

Cuntas Leithreasa 2021

Vóta 10

An Coimisiún um Achomhairc Chánach

Réamhrá

Mar Oifigeach Cuntasaíochta do Vóta 10, ceanglaítear orm an cuntas leithreasa don Vóta a ullmhú gach bliain agus an cuntas a chur faoi bhráid an Ard-Reachtair Cuntas agus Ciste lena iniúchadh.

De réir an cheanglais seo, d'ullmhaigh mé an Cuntas a ghabhann leis seo ar an tsuim a caitheadh sa bhliain dar chríoch an 31 Nollaig 2021 ar thuarastail agus caiteachais an Choimisiúin um Achomhairc Chánach.

Cuirtear an toradh maidir le caiteachas i gcomparáid leis na suimeanna arna ndeonú ag Dáil Éireann faoin Acht Leithreasa, 2021, lena n-áirítear an tsuim a d'fhéadfaí a úsáid mar leithreasaí-i-gcabhair ar mhaithe le caiteachas don bhliain.

Dlítear farasbarr €456,000 a ghéilleadh don Státchiste.

Is cuid den chuntas iad an Ráiteas faoi Pholasaithe agus faoi Phrionsabail Chuntasaíochta agus nótaí 1 go 6.

Ráiteas faoi Pholasaithe agus faoi Phrionsabail Chuntasaíochta

Cuireadh na polasaithe agus na prionsabail chaighdeánacha chuntasaíochta, maidir le cuntais leithreasa a tháirgeadh, mar atá leagtha amach i gCiorcláin 1 agus 9 de 2022 ón Roinn Caiteachais Phoiblí agus Athchóirithe, chun feidhme agus an cuntas á ullmhú.

Dímheas ar shócmhainní caipítíl

Gearrtar dímheas ar shócmhainní ar bhonn bliana iomláine, is é sin, gearrtar dímheas bliana iomláine i mbliain na fála agus ní ghearrtar dímheas i mbliain na diúscartha.

Ráiteas faoi Rialú Inmheánach Airgeadais

Freagracht as an gcóras rialaithe inmheánaigh airgeadais

Mar Oifigeach Cuntasaíochta, admhaím an fhreagracht atá orm as a chinntiú go ndéanann an Coimisiún córas éifeachtach rialaithe inmheánaigh airgeadais a chur chun feidhme, a chothabháil agus a oibriú.

Déantar an fhreagracht sin a chleachtadh i gcomhthéacs na n-acmhainní sin atá ar fáil dom agus i gcomhthéacs mo chuid dualgas eile mar Chathaoirleach. Chomh maith leis sin, ní fhéadann aon chóras rialaithe inmheánaigh airgeadais ach dearbhú réasúnach seachas dearbhú iomlán a thabhairt go gcosnaítear sócmhainní, go n-údaráítear idirbhearta agus go gcuirtear i dtaifead iad i gceart, agus go ndéantar earráidí ábhartha nó neamhrialtachtaí eile a chosc nó a aimsiú in am trátha. Is próiseas leanúnach é an córas rialaithe inmheánaigh airgeadais a chothabháil agus coinnítear an córas agus a éifeachtacht faoi athbhreithniú leanúnach.

Seirbhísí tacaíochta

Nuair a bunaíodh an Coimisiún in 2016, socraíodh nósanna imeachta i ndáil le seirbhísí tacaíochta agus cuntasachta an Choimisiúin atá á riar ag Oifig na gCoimisinéirí Ioncaim. Rinneadh athbhreithniú ar an gcomhaontú seirbhíse idir an Coimisiún agus Oifig na gCoimisinéirí Ioncaim ina leagtar amach freagrachtaí na bpáirtithe agus rinneadh comhaontú seirbhíse athbhreithnithe a aontú agus a shíniú an 12 Feabhra 2021. Clúdaítear cuntais agus airgeadas go príomha leis an gcomhaontú sin.

I ndáil le soláthar seirbhísí comhroinnte acmhainní daonna agus párolla, tugaim faoi deara an ráthaíocht a thugann an tOifigeach Cuntasachta do Vóta na hOifige Náisiúnta um Sheirbhísí Comhroinnte do na Coimisinéirí Ioncaim.

Timpeallacht rialaithe airgeadais

Deimhním go bhfuil timpeallacht rialaithe i bhfeidhm a bhfuil na heilimintí seo a leanas ann.

- Rinneadh freagrachtaí airgeadais a shannadh ar leibhéal an lucht bainistíochta leis an gcuntasacht chomhfhreagrach.
- Cuireadh socruithe tuairiscithe ar bun ar gach leibhéal ag ar sannadh freagracht as bainistíocht airgeadais.
- Cuireadh nósanna imeachta foirmiúla ar bun chun teipeanna suntasacha rialaithe a thuairisciú agus chun a chinntiú go nglactar an ghníomhaíocht cheartaitheach chuí.
- Tá Coiste Iniúchóireachta agus Riosca ann chun comhairle a chur orm agus mé ag comhlíonadh mo chuid dualgas maidir leis an gcóras rialaithe inmheánaigh airgeadais.
- Tá doiciméadú déanta ar na nósanna imeachta do na príomhphróisis ghnó uile.
- Tá córais ar bun chun na sócmhainní a chosaint.

Rialuithe riaracháin agus tuairisciú bainistíochta

Deimhním go bhfuil creat um nósanna imeachta riaracháin agus tuairisciú rialta bainistíochta i bhfeidhm, lena n-áirítear deighilt na ndualgas agus córas tarmligin agus cuntasachta agus, go háirithe:

- go bhfuil córas buiséadaithe cuí ann lena ngabhann buiséad bliantúil a gcoinníonn an lucht ardbhainistíochta faoi athbhreithniú é
- go ndéanann an lucht ardbhainistíochta athbhreithniú rialta ar thuairiscí airgeadais tréimhsiúla agus bliantúla ina léirítear feidhmíocht airgeadais i gcomparáid le tuartha
- go bhfuil córas bainistíochta riosca i bhfeidhm laistigh den Choimisiún
- go bhfuil córais ann lena ndírítear ar shlándáil na bhfeidhmchlár TFC atá ag an gCoimisiún
- go bhfuil treoirlínte cuí infheistíochta caipitil i bhfeidhm
- go gcinntíonn an Coimisiún go ndírítear go cuí ar an dea-chleachtas maidir le ceannach agus go bhfuil nósanna imeachta i bhfeidhm lena chinntiú go gcomhlíontar na treoirlínte ábhartha uile.

Iniúcháireacht inmheánach

Fostaíonn an Coimisiún gnólacht cuntasóirí chun seirbhísí seachfhoinsithe iniúcháireachta inmheánaí a chur ar fáil. Tuairiscíonn an t-iniúcháir inmheánach domsa agus go neamhspleách don Choiste Iniúcháireachta agus Riosca a fhaigheann, a athbhreithníonn agus a cheadaíonn plan oibre iniúcháireachta inmheánaí trí bliana leanúnach i gcomhairle le foireann bainistíochta an Choimisiúin.

In 2022, rinne an t-iniúcháir inmheánach tuairisciú ar an athbhreithniú ar éifeachtacht na rialuithe inmheánacha airgeadais in 2021, rud a thug dearbhú réasúnach i ndáil leis an timpeallacht rialaithe inmheánaigh a bhí i bhfeidhm. Bonn eolais faoin bhfeidhm iniúcháireachta inmheánaí is ea an anailís ar na rioscaí sin a bhfuil an Coimisinéir neamhchosanta orthu, agus tá a chuid pleananna bliantúla iniúcháireachta inmheánaí, arna gceadú agam féin, bunaithe ar an anailís sin. Tá sé d'aidhm ag na pleananna sin na príomhrialuithe a chlúdach ar bhonn atrátha thar thréimhse réasúnach.

Déanaimse an fheidhm iniúcháireachta inmheánaí a athbhreithniú ó am go chéile. Tá nósanna imeachta curtha i bhfeidhm agam lena chinntiú go ndéantar gníomhaíocht leantach de bhun thuairiscí na feidhme iniúcháireachta inmheánaí.

Coiste Iniúcháireachta agus Riosca

Tugann an Coiste Iniúcháireachta agus Riosca dearbhú neamhspleách don Choimisiún maidir le leordhóthanacht agus éifeachtacht chórais rialaithe inmheánaigh, thimpeallacht rialaithe agus nósanna imeachta rialaithe na heagraíochta. Ina theannta sin, déanann an Coiste monatóireacht ar obair na feidhme iniúcháireachta inmheánaí agus tugann sé aird ar leith ar thuarascáil bhliantúil an Ard-Reachtair Cuntas agus Ciste agus an litir bhainistíochta ina dhiaidh sin. Maidir leis an gCoiste, atá ina choiste comhairleach in ionad é a bheith ina choiste maoirseachta, cuireann sé dearcadh neamhspleách ar fáil ar phróiseas tuairiscithe airgeadais, rialuithe inmheánacha agus feidhmeanna iniúcháireachta an Choimisiúin. Chomh maith leis sin, déanann an Coiste monatóireacht ar chur chun feidhme straitéis bainistíochta riosca an Choimisiúin agus tugann sé comhairle ina leith. Rannchuidíonn an Coiste go mór le héifeachtacht fheidhm rialachais chorparáidigh an Choimisiúin.

Neamhchomhlíonadh rialacha soláthair

Deimhním go gcinntíonn an Coimisiún go ndírítear go cuí ar an dea-chleachtas maidir le ceannach agus go bhfuil nósanna imeachta i bhfeidhm lena chinntiú go gcomhlíontar na treoirlínte ábhartha uile.

In 2021, chomhlíon an Coimisiún na treoirlínte soláthair, cé is moite de chonradh amháin (sa bhreis ar €25,000), arb ionann é agus €40,800 san iomlán (gan CBL san áireamh) i ndáil le hobair cúntóra/taighdeora dlí. Mar a luadh i dtuarascálacha éagsúla, lena n-áirítear Tuarascáil O'Donoghue 2018 agus Caibidil 14 de Thuarascáil an Ard-Reachtair Cuntas agus Ciste 2019, bhí riaráiste suntasach achomharc ag fanacht lena dtabhairt chun críche. Dá bhrí sin, cinneadh go bhfuil sé riachtanach pearsana a bhfuil na cáilíochtaí dlíthiúla cuí acu a cheapadh láithreach agus conraitheoir a fhostú láithreach.

Thug an Coimisiún mionsonraí maidir leis an gconradh neamhiomaíoch amháin sin sa tuairisceán bliantúil i ndáil le ciorclán 40/2002 d'Oifig an Ard-Reachtair Cuntas agus Ciste agus don Roinn Caiteachais Phoiblí agus Athchóirithe.

Creat riosca agus rialaithe

Tá córas bainistíochta riosca curtha chun feidhme ag an gCoimisiún lena sainaithear agus lena dtuairiscítear príomhrioscaí agus na gníomhartha bainistíochta atá á ndéanamh chun aghaidh a thabhairt ar na rioscaí sin, agus dá mhéad is féidir, chun iad a mhaolú.

Tá clár rioscaí i bhfeidhm lena sainaithear na príomhrioscaí don Choimisiún agus rinneadh iad sin a shainaithint, a mheas agus a ghrádú de réir a dtábhachta. Déanann an Bord Athbhreithnithe Riosca agus an Coiste Iniúchóireachta agus Riosca athbhreithniú agus uasdátú ar an gclár ar bhonn ráithiúil. Bainfear úsáid as toradh na measúnuithe sin le hacmhainní a phleanáil agus a dháileadh lena chinntiú go mbainistítear rioscaí de réir leibhéal inghlactha.

Tugtar mionsonraí sa chlár rioscaí faoi na rialuithe agus na gníomhartha a theastaíonn leis na rioscaí a mhaolú agus faoin bhfreagracht as oibriú rialuithe a shanntar do bhaill foirne shonracha.

Monatóireacht agus athbhreithniú leanúnach

Bunaíodh nósanna imeachta foirmiúla le monatóireacht a dhéanamh ar phróisis rialaithe agus déantar easnaimh rialaithe a chur in iúl dóibh siúd atá freagrach as gníomhaíocht cheartaitheach a dhéanamh agus don lucht bainistíochta in am is i dtráth. Deimhnímh gur sainaitheodh príomhrioscaí agus rialuithe gaolmhara agus gur cuireadh próisis i bhfeidhm chun monatóireacht a dhéanamh ar oibriú na bpríomhrialuithe sin agus aon easnaimh shainaitheanta a thuairisciú.

Athbhreithniú ar éifeachtacht

Deimhnímh go bhfuil nósanna imeachta ag an gCoimisiún le monatóireacht a dhéanamh ar éifeachtacht a gcuid nósanna imeachta bainistíochta riosca agus rialaithe. Mar bhonn agus thaca ag monatóireacht agus athbhreithniú an Choimisiúin ar éifeachtacht an chórais rialaithe inmheánaigh airgeadais tá obair na n-iniúcháirí inmheánacha agus seachtracha agus an lucht ardbhainistíochta taobh istigh den Choimisiún ar a bhfuil freagracht as forbairt agus cothabháil an chreata rialaithe inmheánaigh airgeadais.

Saincheisteanna rialaithe inmheánaigh airgeadais

Níor sainaitheodh aon laigí sa rialú inmheánach airgeadais i ndáil le 2021 nach mór a nochtadh sa chuntas leithreasa.

Saincheisteanna rialaithe phaindéim COVID-19

Rinneadh measúnuithe ar thionchar phaindéim COVID-19 ar thimpeallacht rialaithe airgeadais an Choimisiúin agus cuireadh na rialuithe agus na nósanna imeachta a leagtar amach i Lámhleabhar Nósanna Imeachta Airgeadais an Choimisiúin chun feidhme in 2020 agus ar fud 2021.

Soláthraíonn an Coimisiún seirbhís phoiblí riachtanach faoi “Rochtain ar an gCeartas”. Rinne sé iarracht cothromaíocht a bhaint amach idir an tseirbhís phoiblí thábhachtach a sholáthraíonn sé agus sláinte agus sábháilteacht an phobail agus a fhoirne. Tá an rogha ag páirtithe fós chun freastal ar éisteacht i bpearsa in oifigí an Choimisiúin nó freastal trí chianrochtain ach áiseanna físchomhdhála a úsáid. Níl aon riaráistí ná moilleanna ag baint le paidéim Covid-19.

Marie-Claire Maney

Oifigeach Cuntasaíochta

An Coimisiún um Achomhairc Chánach

31 Márta 2022

An tArd-Reachtaire Cuntas agus Ciste

Tuarascáil le cur faoi bhráid Thithe an Oireachtais

Vóta 10 An Coimisiún um Achomhairc Chánach

Tuairim ar an gcuntas leithreasa

Tá iniúchadh déanta agam ar an gcuntas leithreasa do Vóta 10 An Coimisiún um Achomhairc Chánach don bhliain dar chríoch 31 Nollaig 2021 faoi alt 3 d'Acht an Ard-Reachtaire Cuntas agus Ciste (Leasú) 1993.

I mo thuairimse,

- léirítear go cuí sa chuntas leithreasa na fáлтаis agus an caiteachas a bhain le Vóta 10 An Coimisiún um Achomhairc Chánach don bhliain dar chríoch 31 Nollaig 2021, agus
- ullmhaíodh an cuntas leithreasa san fhoirm a d'ordaigh an tAire Caiteachais Phoiblí agus Athchóirithe.

Bonn faoin tuairim

Rinne mé m'iniúchadh ar an gcuntas leithreasa de réir na gCaighdeán Idirnáisiúnta maidir le hIniúcháireacht arna fhógairt ag an Eagraíocht Idirnáisiúnta Uasfhoras Iniúcháireachta. Tá cur síos déanta ar na freagrachtaí atá orm faoi na caighdeáin sin san aguisín leis an tuarascáil seo. Níl baint ná páirt agam leis An Coimisiún um Achomhairc Chánach agus tá na freagrachtaí eitice eile atá orm de réir na gcaighdeán comhlíonta agam.

Creidim gur leor agus gur cuí an fhianaise iniúchta a fuair mé le bonn a chur faoi mo thuairim.

Tuairisc ar an ráiteas faoi rialú inmheánach airgeadais, agus ar nithe eile

Chuir an tOifigeach Cuntasaíochta ráiteas faoi rialú inmheánach airgeadais i láthair i dteannta an chuntais leithreasa. Tá cur síos déanta ar na freagrachtaí atá orm le tuairisciú ar an bhfaisnéis atá sa ráiteas, agus ar nithe eile a dtuairiscím orthu de réir eisceachta san aguisín leis an tuarascáil seo.

Níl aon rud le tuairisciú agam ina leith sin.

Seamus MacCárthaigh

Ard-Reachtaire Cuntas agus Ciste

24 Meitheamh 2022

Aguisín leis an tuarascáil

Freagrachtaí an Oifigigh Cuntasaíochta

Tá an tOifigeach Cuntasaíochta freagrach as na nithe seo a leanas:

- an cuntas leithreasa a ullmhú de réir alt 22 den Exchequer and Audit Departments Act 1866
- a chinntiú go gcomhlíonann an cuntas leithreasa ceanglais na *Nósanna Imeachta Airgeadais Phoiblí* ón Roinn Caiteachais Phoiblí agus Athchóirithe agus ordacháin eile ón Aire Caiteachais Phoiblí agus Athchóirithe
- rialtacht na n-idirbheart a chinntiú, agus
- cur chun feidhme a dhéanamh ar cibé rialú inmheánach a chinneann an tOifigeach Cuntasaíochta a bheith riachtanach chun cuntas leithreasa a ullmhú atá saor ó mhíráiteas ábhartha, bíodh calaois nó earráid mar chúis leis.

Freagrachtaí an Ard-Reachtaire Cuntas agus Ciste

Ceanglaítear orm faoi alt 3 den Acht um Ard-Reachtaire Cuntas agus Ciste (Leasú), 1993, an cuntas leithreasa a iniúchadh agus tuairisciú air do Thithe an Oireachtais, á lua cé acu is amhlaidh nó nach amhlaidh, i mo thuairimse, a chuirtear na fáiltais agus an caiteachas a bhaineann leis an vóta i láthair go cuí sa chuntas.

Tá sé mar chuspóir agam agus an t-iniúchadh á dhéanamh agam dearbhú réasúnach a fháil ar cé acu atá nó nach bhfuil na ráitis airgeadais ina n-íomláine saor ó mhíráiteas ábhartha, bíodh calaois nó earráid mar chúis leis. Is ionann dearbhú réasúnach agus leibhéal ard dearbhaithe. Mar sin féin, ní deimhniú é gur i ngach cás ina bhfuil sé ann a aimseofar míráiteas ábhartha le linn iniúchadh a dhéantar de réir na gCaighdeán Idirnáisiúnta um Iniúcháireacht. Is féidir le míráitis teacht as calaois nó earráid agus meastar iad a bheith ábhartha más amhlaidh ina n-aonar nó mar chomhiomlán a d'fhéadfaí a bheith ag súil leis le réasún go rachadh siad i bhfeidhm ar chinntí eacnamaíocha a dhéanann úsáideoirí ar bhonn an chuntais leithreasa.

Mar chuid d'iniúchadh a dhéantar de réir na gCaighdeán Idirnáisiúnta um Iniúcháireacht, úsáidim breithiúnas gairmiúil agus coinnim sceipteachas gairmiúil ar bun ar fud an iniúchta. Le linn déanamh amhlaidh,

- Déanaim sainaithint agus measúnú ar na rioscaí a bhaineann le míráiteas ábhartha sna ráitis airgeadais, bíodh calaois nó earráid mar chúis leis; ceapaim nósanna imeachta iniúcháireachta atá freagrúil do na rioscaí sin agus cuirim i bhfeidhm iad; agus faighim fianaise iniúchta is leor agus is cuí chun bunús a thabhairt do mo thuairim. Is airde an baol nach mbraithe míráiteas ábhartha de bharr calaoise ná de bharr earráide, toisc go bhféadfadh claonpháirteachas, brionnú, easnamh d'aon ghnó, mífhaisnéis nó sárú ar an rialú inmheánach a bheith i gceist le calaois.

- Gnóthaím tuiscint ar rialú inmheánach atá ábhartha don iniúchadh chun nósanna imeachta iniúcháireachta a cheapadh atá oiriúnach do na cúinsí. Ní dhéanaim amhlaidh, áfach, chun tuairim a thabhairt ar éifeachtacht na rialuithe inmheánacha.
- Déanaim measúnú ar cé acu a comhlíonadh nó nár comhlíonadh forálacha cuntasaíochta na *Nósanna Imeachta Airgeadais Phoiblí* ón Roinn Caiteachais Phoiblí agus Athchóirithe.

Déanaim cumarsáid leis an Oifigeach Cuntasaíochta maidir le raon feidhme agus uainiú beartaithe an iniúchta agus le fionnachtana suntasacha an iniúchta, lena n-áirítear aon easnamh shuntasacha i rialú inmheánach a shainaithním le linn m'iniúchta, i measc ábhair eile.

Tuairiscím trí eisceacht i gcás gurb amhlaidh, i mo thuairimse,

- nach bhfuair mé an fhaisnéis agus na mínithe ar fad a theastaigh uaim do m'iniúchadh, nó
- nár leor na taifid chuntasaíochta chun mé a chumasú iniúchadh réidh cuí a dhéanamh ar an gcuntas leithreasa, nó
- nach bhfuil an cuntas leithreasa ag teacht leis na taifid chuntasaíochta.

Tuairisciú ar an ráiteas faoi rialú inmheánach airgeadais

Ní chumhdaíonn mo thuairim ar an gcuntas leithreasa an ráiteas ón Oifigeach Cuntasaíochta faoi rialú inmheánach airgeadais, agus ní chuirim aon chinneadh dearbhaithe in iúl ina leith.

I dtaca leis an iniúchadh ar an gcuntas leithreasa, ceanglaítear orm faoi na Caighdeáin Idirnáisiúnta um Iniúcháireacht an ráiteas faoi rialú inmheánach airgeadais a léamh agus, le linn déanamh amhlaidh, a bhreithniú cé acu is amhlaidh nó nach amhlaidh atá an fhaisnéis atá tugtha laistigh de neamh-chomhsheasmhach go hábhartha leis an gcuntas leithreasa nó le heolas a gnóthaíodh le linn an iniúchta nó atá an chuma uirthi ar shlí eile go ndearnadh míráiteas ábhartha ina leith. Más amhlaidh, bunaithe ar an obair a rinne mé, go gcinnim go ndearnadh míráiteas ábhartha, ceanglaítear orm an fóras sin a thuairisciú.

Tuairisciú ar ábhair eile

Féachaim le linn an iniúchta le fianaise a fháil ar rialtacht na n-idirbheart airgeadais. Ceanglaítear orm faoi alt 3 den Acht um Ard-Reachtaire Cuntas agus Ciste (Leasú), 1993, tuairisciú i gcás go sainaithním aon chás ábhartha nár caitheadh airgead poiblí do na críocha a bhí beartaithe ann nó nach ndearnadh na hidirbhearta de réir na n-údarás a bhí á rialú ann.

Ceanglaítear orm freisin faoi Acht 1993 tuarascáil a ullmhú gach bliain ar cibé ábhair a eascraíonn as m'iniúchtaí ar na cuntais leithreasa is cuí liom. I gcásanna den sórt sin, tagraítear sna deimhnithe tuairime ar na cuntais leithreasa lena mbaineann don chaibidil ábhartha/do na caibidlí ábhartha sa *Tuarascáil ar Chuntais na Seirbhísí Poiblí* uaim, ar tuarascáil bhliantúil í.

Vóta 10 An Coimisiún um Achomhairc Chánach

Cuntas Leithreasa 2021

		2021	2020
	Soláthar meastacháin	Toradh	Toradh
	€000	€000	€000
Caiteachas an chláir			
A Éisteacht achomharc cánach a éascú	3,293	2,825	3,018
Ollchaiteachas	3,293	2,825	3,018
<i>Lúide</i>			
B Leithreasaí-i-gcabhair	75	63	63
Glanchaiteachas	3,218	2,762	2,955

Farasbarr

Tá farasbarr na suime a soláthraíodh le hais na glansuime dlite le géilleadh don Státchiste.

	2021	2020
	€	€
Farasbarr le géilleadh	455,826	278,210

Marie-Claire Maney

Oifigeach Cuntasaíochta
An Coimisiún um Achomhairc Chánach

31 Márta 2022

Nótaí leis an gCuntas Leithreasa

Nóta 1 Ráiteas faoin gCostas Oibriúcháin 2021

	2021	2020
€000	€000	€000
Costas an chláir		
Pá	2,359	2,249
Neamhphá	466	769
Ollchaiteachas	2,825	3,018
<i>Lúide</i>		
Leithreasaí-i-gcabhair	63	63
Glanchaiteachas	2,762	2,955
Athruithe ar shócmhainní caipitil		
Ceannacháin airgid thirim	(24)	
Dímheas	53	(143)
Athruithe ar ghlansócmhainní reatha		
Laghdú ar fhabhruithe deiridh	(44)	
Laghdú ar stoc	4	14
Caiteachas díreach	2,751	2,826
Caiteachas a tabhaíodh in áit eile		
Glanchaiteachas ar sheirbhísí gaolmhara (nóta 1.1)	633	595
Glanhostas an chláir	3,384	3,421

1.1 Glanchaiteachas ar sheirbhísí gaolmhara

Tá suim an ghlanchaiteachais ar sheirbhísí gaolmhara comhdhéanta de na suimeanna seo a leanas maidir le Vóta 10 a tabhaíodh in áit eile.

	2021	2020
	€000	€000
Vóta 9 Oifig na gCoimisinéirí Ioncaim	27	28
Vóta 13 Oifig na nOibreacha Poiblí	570	567
Vóta 43 Oifig Phríomh-Oifigeach Faisnéise an Rialtais	36	—
	633	595

Nóta 2 Ráiteas faoin Staid Airgeadais amhail an 31 Nollaig 2021

	Nóta	2021 €000	2020 €000
Sócmhainní caipitil	2.1	188	217
Sócmhainní reatha			
Banc agus airgead tirim		232	669
Stoic	2.2	18	22
Réamhíocaíochtaí	2.3	66	58
lomlán na sócmhainní reatha		316	749
Lúide dliteanais reatha			
Speansais fhabhraithe		37	73
Vóta 9 Oifig na gCoimisinéirí Ioncaim		228	510
Glanmhaoiniú Státchiste	2.4	4	159
lomlán na ndlíteanas reatha		269	742
Glansócmhainní reatha		47	7
Glansócmhainní		235	224
Arna léiriú ag:			
Cuntas maoinithe Stáit	2.5	235	224

2.1 Sócmhainní caipítíl

	Troscán agus feistis €000	Trealamh Oifige/TF €000	Sócmhainní caipítíl atá á bhforbairt €000	Iomlán €000
Ollsócmhainní				
Costas nó luacháil ag an 1 Eanáir 2021	7	237	119	363
Breiseanna	—	—	24	24
Sócmhainní a bhí á bhforbairt agus a tugadh isteach in úsáid	—	125	(125)	—
Diúscairtí	—	—	—	—
Costas nó luacháil ag an 31 Nollaig 2021	7	362	18	387
Dímheas carntha				
Iarmhéid tosaigh ag an 1 Eanáir 2021	1	145	—	146
Dímheas don bhliain	1	52	—	53
Dímheas ar dhiúscairtí	—	—	—	—
Dímheas carnach ag an 31 Nollaig 2021	2	197	—	199
Glansócmhainní ag an 31 Nollaig 2021	5	165	18	188
Glansócmhainní ag an 31 Nollaig 2020	6	92	119	217

2.2 Stoic

ag an 31 Nollaig	2021 €000	2020 €000
Stáiseanóireacht agus stórtha beaga	2	4
Trealamh/míreanna ilghnéitheacha	2	2
Ábhar inchaite TF	14	16
	18	22

2.3 Réamhíocaíochtaí

ag an 31 Nollaig	2021 €000	2020 €000
Seirbhísí agus tacaíocht TFC	39	27
Costais eile riaracháin	27	23
Seirbhísí comhairleoireachta	—	8
	66	58

2.4 Glanmhaoiniú Státchiste

ag an 31 Nollaig	2021	2020
	€000	€000
Farasbarr le géilleadh	456	278
Deontas ón Státchiste nár tarraingíodh	(452)	(119)
Glanmhaoiniú Státchiste	4	159
Arna léiriú ag:		
Féichiúnaithe		
Banc agus airgead tirim	232	669
	232	669
Creidiúnaithe		
Vóta 9 Oifig na gCoimisinéirí loncaim	(228)	(510)
	4	159

2.5 Cuntas maoinithe Stáit

	Nóta	2021	2020
		€000	€000
larmhéid ag an 1 Eanáir		224	95
Eisiocaíochtaí ón Vóta			
Soláthar meastacháin	Cuntas	3,218	
Farasbarr le géilleadh	Cuntas	(456)	
Glanvóta		2,762	2,955
Caiteachas (airgead tirim) a tabhaíodh in áit eile	1.1	633	595
Glanchostas an chláir	1	(3,384)	(3,421)
larmhéid ag an 31 Nollaig		235	224

2.6 Ceangaltais

Ceangaltais dhomhanda	2021	2020
ag an 31 Nollaig	€000	€000
Soláthar earraí agus seirbhísí	66	43
lomlán na gceangaltas is in-fhorfheidhmithe le dlí	66	43

Nóta 3 Caiteachas Vóta

Anailís ar chaiteachas riaracháin

Tá an caiteachas clár uile aicmithe mar chaiteachas riaracháin.

		2021	2020
		Soláthar meastacháin	Toradh
		€000	€000
i	Tuarastail, pá agus liúntais	2,559	2,359
ii	Taisteal agus cothú	20	—
iii	Oiliúint agus forbairt agus speansais theagmhasacha	92	72
iv	Seirbhísí poist agus teileachumarsáide	26	19
v	Trealamh oifige agus seirbhísí TF seachtracha	351	142
vi	Costais áitribh oifige	35	23
vii	Comhairleoireacht agus seirbhísí eile	210	210
		3,293	2,825
			3,018

Difríochtaí suntasacha

Tugtar achoimre sa mhéid seo a leanas ar na cúiseanna le difríochtaí suntasacha sa chaiteachas riaracháin (+/- 25% agus €100,000).

v Trealamh oifige agus seirbhísí TF seachtracha

Soláthar meastacháin: €351,000; toradh: €142,000

Cé go ndearnadh dul chun cinn, bhí an gannchaitheamh €209,000 ar chaiteachas ar threalamh oifige agus seirbhísí TF seachtracha ann toisc nár tugadh forbairt an chórais cásbhainistíochta nua chun críche in 2021 mar a bhí beartaithe.

Nóta 4 Fáltais

4.1 Leithreasaí-i-gcabhair

		2021		2020
		Measta	Réadaithe	Réadaithe
		€000	€000	€000
1	Fáltais ó ranníocaíochtaí aoisliúntais breise ar luach saothair seirbhíse poiblí	75	62	63
2	Míreanna Ilghnéitheacha	—	1	—
	Iomlán	75	63	63

Nóta 5 Soláthar Foirne agus Luach Saothair

5.1 Líon na bhfostaithe

Coibhéisí lánaimseartha	2021	2020
Líon foirne ag deireadh na bliana	<u>30</u>	<u>34</u>

5.2 Pá

	2021 €000	2020 €000
Pá	2,103	2,046
Liúntais le haghaidh ard-dualgas, dualgas speisialta nó dualgas breise	36	—
Ragobair	3	5
ÁSPC an Fhostóra	217	198
Pá iomlán	<u>2,359</u>	<u>2,249</u>

5.3 Liúntais agus íocaíochtaí ragoibre

	Líon na bhfaighteoirí	Faighteoirí a fuair €10,000 nó níos mó	An íocaíocht aonair is mó	
			2021	2020
			€	€
Liúntais le haghaidh ard-dualgas, dualgas speisialta nó dualgas breise	3	2	16,970	—
Ragobair	10	—	616	1,074
Luach saothair breise i níos mó ná catagóir amháin	2	1	17,326	—

5.4 Dámhachtainí feidhmíochta

Caitheadh €1,300 san iomlán ar scéimeanna aitheantais foirne. Rinneadh 26 dhámhachtain ar leithligh dar luach €50 (amhail an 31 Nollaig 2020: €nialas).

5.5 Tuarastal an Oifigigh Cuntasaíochta

Amhail an 31 Nollaig 2021, is é €188,710 olltuarastal bliantúil an Oifigigh Cuntasaíochta (b'ionann é agus €186,841 amhail an 31 Nollaig 2020).

Nóta 6 Míreanna Ilghnéitheacha

6.1 Costais chúitimh agus dlí

Íocaíochtaí/costais a d'íoc an Coimisiún sa bhliain

	Éilimh uathu seo		Iomlán 2021	Iomlán 2020
	fostaithe (díobháil phearsanta)	daoine den phobal (athbhreithniú breithiúnach)		
Líon na gcásanna	1	6	7	10
	€000	€000	€000	€000
Costais dlí an Choimisiúin	3	24	27	77
Íocaíochtaí leis an gCoimisiún/thar a cheann				
Cúiteamh	—	—	—	100
Costais dlí	—	4	4	11
Costais eile	18	—	18	
Iomlán 2021	21	28	49	188
Iomlán 2020	100	88	188	

Nótaí ^a Ag an 31 Nollaig 2021, is iad seo a leanas na héilimh atá amuigh:

- Éilimh dhíobhála pearsanta: 1 (2020: 1)
- Athbhreithniú Breithiúnach 1 (2020: 5)

^b Ag an 31 Nollaig 2021, tá an Coimisiún tar éis €30,529 (2020: €60,000) a chur ar áireamh i gcostais fhabhráithe, is iad sin na costais iomlána dlí amuigh atá dlite don Ghníomhaireacht um Éilimh ar an Stát.

Costais charnacha na gcásanna a críochnaíodh in 2021

	Éilimh uathu seo		Iomlán
	fostaithe (díobháil phearsanta)	daoine den phobal (athbhreithniú breithiúnach)	
Líon na gcásanna	—	5	5
	€000	€000	€000
Costais dlí an Choimisiúin	—	73	73
Íocaíochtaí leis an gCoimisiún/thar a cheann			
Cúiteamh	—	—	—
Costais dlí	—	4	4
Costais eile	—	—	—
Iomlán	—	77	77